

YR ATODLEN

Manylion ychwanegol ynglŷn â rhai ceisiadau Ceisiadau a wneir o dan Ddeddf 1983

Ceisiadau sy'n ymwneud â chymdeithasau preswylwyr cymwys

61.—(1) Mae'r paragraff hwn yn gymwys i gais o dan baragraff 28(1)(h) o Bennod 2 o Ran 1 o Atodlen 1 i Ddeddf 1983 (cymdeithas preswylwyr gymwys).

(2) Y dogfennau penodedig yw—

- (a) unrhyw gais a wnaed gan gadeirydd, ysgrifennydd neu drysorydd y gymdeithas preswylwyr i berchennog y safle am i'r perchennog safle gydnabod y gymdeithas fel cymdeithas preswylwyr gymwys;
- (b) unrhyw ymateb gan berchennog y safle i'r cais am gydnabod y gymdeithas, y cyfeirir ato ym mharagraff (a);
- (c) copi o gyfansoddiad y gymdeithas; ac
- (ch) tystiolaeth o'r nifer o feddianwyr cartrefi symudol ar y safle sy'n berchnogion y cartrefi symudol a feddiennir ganddynt ac sy'n aelodau o'r gymdeithas preswylwyr.

(3) Yr ymatebydd penodedig yw perchennog y safle.